

Gvangjsih Minzcuz Bau

ganhhau: CN45-0036 B.2014 Nd.11 Ng.5 liggaeuq gyapngux nienz nyinhndwengouj cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3147期

Daihsam Gaiq Daengx Gih Siujhagseng Doxdax Aeu Vah- cuengh Byauhcuinj Gangj Goj Youq Nanzningz Gawjhengz

第三届全国小学生讲标准壮语故事比赛在南宁举行

Bonjbauq siusik(gicej Liengz Cingz/梁晴) 10 nyied 26 daengz 27 hauh, daihsam gaiq daengx gih siujhagseng doxdax aeu Vahcuengh byauhcuinj gangj goj youq Nanzningz gawjhengz, baez hozdung neix youz Swcigih Gyauyuzdingh cawjbanh、Gvangjsih Gyauyuz Yozyen coengh-banh, 105 boux siujhagseng dai ndaw gih Cuengh Gun song saw vah siujyoz daeuj camgya doxdax. Swcigih Gyauyuzdingh fudinghcangj Bwz Cifanz camgya aen yizsi haidaeuz caemhcai gangjvah, Gvangjsih Gyauyuz Yozyen fuyen-

cangj Vangz Hinghveih、Swcigih Gyauyuzdingh Minzcuz Gyauyuzcu cucangj Veiz Lanzmingz、Gvangjsih Gyauyuz Yozyen Cwngzyinz Gyauyuz Yozyen yencangj Couh Yiznanz camgya yizsi haidaeuz. Gvangjsih Minzcuz Gyauyuz Fazcanj Cungsims cujyin Couh Gwzyih cujiz aen yizsi haidaeuz nem aen yizsi guhsat.

Youq doxdax seizde, doengh-boux siujhagseng camgya doxdax de daenj ndangdaenj Bouxcuengh, gig bienz dwk aeu Vahcuengh byauhcuinj gangj goj gig ndeidingq youh miz yinx. Bouxdingq nem bingzveij dingq

ndaej gig gvaqyinx, bekwngz bobbob.

Gyoengqde haenqrengz doxdax song ngoenz, bingzveij gungh bingz ok itdaengjciengj 10 boux, ngeih-daengjciengj 25 boux, samdaengjciengj 40 boux, gujliciengj 30 boux.

Baez doxdax neix dwg baez hozdung baijok gih raeuz gij cwngzgoj gvendaengz Cuengh Gun song saw vah sonhag, gig ndei dwk coicaenh hong Cuengh Gun song saw vah gyauyuz fazcanj, doiq henhoh nem hungzyangz gih raeuz gij vwnzva minzcuz maenhndei de gig mizyung.

SIUSIK DINJ

简讯

● Bineix, Cungzcoj Si 7 aen yienh(si、gih) caeuq Cunghgvangj Gozci Lajmbanj Denyingj Yensen (Bwzgingh) Youjhan Gunghswd doxgap, daengz nienzdaej guh baenz 100 aen denyingjyen lajmbanj. Daengzseiz, aen hanghmoeg denyngj hawj vunzlai souh'ik neix engq ndei dwk hawj vunzlai dangdieg gvaq vwnzva swnghhoz lai habhoz raeuh bae.

(Couh Yizgangh)

● Dangqnaj, Duh'anh Yauzcuz Swciyen Minzcuzgiz gaenq fat sat le gij cienzngaenz bineix bangbouj hagseng saujsu minzcuz maenhndei ranz gig gungzhoj de, gungh fat 4.5 fanh maenz, ndawde gauhcunghswng 12 boux, moix boux 1000 maenz; dayozswng 11 boux, moix boux 3000 maenz.

(Lanz Veingoj Veiz Ganliuz)

● Geij ngoenz gonq, Mungz-sanh Yen Yazyiz Yangh geij diuz roen doeng mbanj gaenq guh sat, baugvat gij roen doeng mbanj Yayiz daengz Luzsanh、Gauhleiz daengz Nwngzyouj nem roen Luzloz Cunh, gij roen neix gungh roengz 850 fanh maenz, seizneix gaenq doeng ci lo, neix mizyauq dwk hawj aen yangh neix 5 aen cunh 4000 lai boux Yauzcuz byaij roen fuengbienh.

(Liuz Gozvwj)

● Daj bineix daeuj, Yungzsuij Myauzcuz Swciyen aeu "gunghswd + gihdi + nungzhoh" cungj mozsi neix, dazyinx nungzminz youq diegbya ndaem lwmangh、lwggwz、lwgbienz daengj gij byaekgwn fanj geiqciet, hawj nungzminz lai sou. Dangqnaj, gaenq youq 7 aen yanghcin sawq ndaem gij byaekgwn neix 1.5 fanh lai moux, dan hangh neix, guj moix moux laisou 8000 lai maenz.

(Lungz Linzci)

● Daj bi' gvaq daeuj, Cauh-bingz Yen gaihcanj "daudwz gyangjdangz" hozdung, laeb baenz gak gaep gak loih daudwz gyangjdangz 64 aen, dazyinx ganbu ginzung gag rox seveicujyi haedsim gyacizgvanh. Dangqnaj, aen hozdung neix gaenq gawjbanh 186 geiz, gyawj 2 fanh vunzbaez camgya.

(Liuz Feih)



Gih Raeuz Daih Cibsam Gaiq Saujsu Minzcuz Conzdungj Dijyuz Yindungvei Lai Cungj Lai Yiengh

我区第十三届少数民族传统体育运动会精彩纷呈

10 nyied 28 hauh daengz 11 nyied 3 hauh, Gvangjsih Bouxcuengh Swcigih Daih Cibsam Gaiq Saujsu Minzcuz Conzdungj Dijyuz Yindungvei youq Ginhcuh Si gawjhengz. Gaiq minzcuz conzdungj dijyuz yindungvei neix cawjdaez dwg "bingzdaengj、doxgiet、haenqbuek、haenqrengz". Miz 1543 boux yindungyenz camgya bau aendomq、ciengj bauqva、nyingznaq、dwc giuzcaw、maxfaex、haizgieg、dwc lwggyangq daengj 12 aen doxdax hanghmoeg doxdax. Ndaw doz dwg lwgsai sam vunz haizgieg beij vaiq doxdax.

(Veiz Yennaz/韦愿娜 ingj)

Swcigih Minzyijveij Laeb Minzcuz Yijvwnz Gunghcoz Conhgyah Swhsinz Veijyenzvei

自治区民语委民族语文工作专家咨询委员会成立

10 nyied 31 hauh, aen hoih Swcigih Minzyijveij minzcuz yijvwnz gunghcoz conhgyah swhsinz veijyenzvei nem daih'it baez gunghcoz veiyi youq Nanzningz hai. Swcigih Minzyijveij、Minzyijveij cujyin Luz Yenbenj daengq Swcigih Minzyijveij fucujyin Yangz Gijbyauh fat bonj sawbinsuh hawj conhgyah caemhcai

gangjvah. Swcigih Minzyijveij fucujyin Vangz Cenzcungh cujiz baez hoih neix.

Aen veijyenzvei neix gungh miz 23 boux cwngzyenz, Yangz Gijbyauh dangj cujyin, ndawde laeb miz 4 aen cuj, faenbied dwg cwngcwz lijlun cuj, fanhyiz cuj, sevei yingyung cuj, "seiq vaq"(gveihfanva、byauhcuinjva、

sinsizva、fazciva) gensez cuj.

Swcigih Minzyijveij minzcuz yijvwnz gunghcoz conhgyah swhsinz veijyenzvei daengxcungq cwngzyenz, Swcigih Minzyijveij daengxcungq ganbu cizgungh, doenghboux fucwz Swcigih Minzyijveij cizsuz danhvei daengj gungh 50 lai boux camgya baez hoih neix. (Yangz Yijcingz/杨雨晴)